

REGIONAL NEWS UNIT
ALL INDIA RADIO GANGTOK
BHUTIA NEWS BULLETIN

BROADCAST: 18:50 HRS

DATE: 22/08/ 2025

ONLINE GAMING PC

འབྲས་ལྗོངས་ ན་ སོང་མཁན་ ཉེན་ སྐྱད་པོ་ ལས་ བྲིམས་ལོ་ ངོ་ལོག་ online gaming རྩེང་ལོ་ བགག་ཚའ་ སྐྱབ་ ཡོད། མངའ་ཕྱེ་ གཞུང་ གི་ ཐབས་ལམ་ ན་ བགག་ཚའ་ འདི་ སྐྱབ་པོ་ ཡིན། ད་ལྟོ་ མངའ་ཕྱེ་ ན་ Khelo Bet མཉམ་ཆེ་ གཞན་ མན་འདྲ་བོ་ མིང་ཆན་ online game རྩེ་ ཡོད། ཐུག་ལོ་ བཞག་ཀའི་ གཏམ་ གན་ ཡོད་ ལཔ་ན་ འབྲས་ལྗོངས་ གཞུང་ གི་ ཐབས་ལམ་ རྒྱལ་ལས་ ད་རིང་ དབྱས་གཞུང་ ཡང་ རྒྱལ་ཁབ་ ན་ online gaming རྩེད་ཤད་ ཐབས་ཚད་ གི་ གྲུ་ཚྭ་ ཁང་ ན་ bill ལོ་ ངོ་ལོན་ གནང་བོ་ ཡིན། མངའ་ཕྱེ་ ན་ འདིའི་ བགག་ཚའ་ རྫོང་ལས་ གཞུང་ གི་ ཡར་རྒྱས་ རྫོང་ལས་ ལོན་ ལུལ་བཞིན་ ད་རིང་ རྒྱལ་ས་ ན་ ཡོད་མཁན་ འབྲས་ལྗོངས་ ལུ་ལེ་སི་ གི་ ལས་ལག་ ན་ བཞག་མཁན་ ཚུག་ཐུན་ གསར་ཤོག་ ཀོ་ ཚྭ་བཟུ་ ན་ འབྲས་ལྗོངས་ Police གི་ DIG བསྟན་འཛིན་ རྫོ་ཐུན་ ལེབ་ཅ་ དང་ འབྲས་ལྗོངས་ གཞུང་ གི་ lottery ལས་ལག་ གི་ Director གཙོ་བོ་ Pawan Awashtthi གི་ གསུང་ཤད་ གནང་བོ་ ཡིན། DIG ལེབ་ཅ་ གི་ ལོན་ ལུལ་བོ་ རོན་བཞིན་ སོང་མཁན་ July ཚེས་ དང་པོ་ ན་ ༧ ཐམ་བ་ Online Gaming Site ངོ་ལོག་ ན་ མགོ་ཐོ་ རྩ་སྟོག་ ཀལ་བོ་ ཡིན་ ལཔ་ན་ ད་ལྟོ་ སང་ལྟེ་ ༧ ཐམ་བ་ site རྩེང་ལོ་ ཉེ་ཆད་ གཏང་ ཡོད། སྐྱ་ཞབས་ ལེབ་ཅ་ གི་ གསུང་བོ་ ཡིན་ - ཞིབ་སྦྱང་ རྒྱལ་ས་ ན་ འབྲས་ལྗོངས་ ལུ་ལེ་སི་ གི་ online gaming གི་ དདུལ་ བྱིན་ ལོན་ བྱས་མཁན་ གོམ་ཏི་ ༥ ཐམ་བ་ དདུལ་ཁང་ account ལོ་ freeze བྱས་པོ་ ཡིན་ ག་འདི་ གི་ བྱས་ དདུལ་ ༩ ཟ་ཡ་ ༩༩ གེམ་ free ཐོན་ ཡོད། ཁོང་ རོན་བཞིན་ འབྲས་ལྗོངས་ ན་ Khelo Bet མིང་ ཡོད་མཁན་ online gaming ན་ རྩེད་ཐུག་ ༩༥ ལས་ སྐྱད་པོ་ མིང་ཐོ་ registration ཐོན་ ཡོད། Lottery ལས་ལག་ གི་ Director Awashtthi གི་ གསུང་བོ་ ཡིན་ - མངའ་ཕྱེ་ ན་ online gaming གི་ ལོང་ཤོད་ དང་ འདི་ ལས་ ཐོན་མཁན་ དདུལ་ དང་ གཞན་ རྩེད་ལོ་ ཐུག་ལོ་ བཞག་ཏི་ ལས་ལག་ དང་ གཞུང་ གི་ སོང་མཁན་ ལོ་ ༩ ལས་ རང་ བྲིམ་ལོ་ ངོ་ལོག་ online gaming རྩེང་ལོ་ ཉེད་ཤད་ གཏང་བོ་ ཡིན། འདི་ རྫོང་ལས་ ལོ་ ལུལ་བཞིན་ ཁོང་ གི་ གསུང་བོ་ ཡིན།

MISSION CLEAN SKY

སྐང་ཏྲོག་ གེམ་ གཙང་ཀ་ དང་ རྩེད་ཀ་ བྲིམས་ན་ ས་གཞི་ རྩེད་ ན་ ཡོད་མཁན་ རྟོག་ དང་ གཞན་ tear རྩེ་ གི་ འབྱུང་མཁན་ དཀའ་ངལ་ ལོ་ ཐུར་ལོ་ བཞག་བཞིན་ སྐང་ཏྲོག་ རྩེད་ཁའི་ འཛིན་སྐྱོང་ གི་ སྐང་ཏྲོག་ བྲིམས་ཁང་ འཛིན་སྐྱོང་ རྩེད་པ་ དུས་ལོ་ ཞབས་ཆེ་ ཐབས་ཅད་ དང་ འབྲེལ་བའི་ ལས་ལག་ གི་ ཁ་འབབ་ རྩེ་ སྐང་ཏྲོག་ གང་རྒྱད་ telecom དང་ internet cable རྩེ་ ལོ་ ད་ཤིང་ དང་ བྲིམས་ གཏང་ཤད་ “Mission Clear Sky” འཆར་གཞི་ འགོ་ཚུགས་ ཡོད། འདི་ ལས་ ཐོན་མཁན་ གཞན་ མན་འདྲ་བོ་ དཀའ་ངལ་ རྩེ་ ལོ་ བསམ་སྟོ་ བཞག་བཞིན་ འབྲེལ་བའི་ འཛིན་སྐྱོང་ གི་ འཆར་གཞི་ འདི་ རོན་བཞིན་ མ་ཉོག་མཁན་ གཞིག་ལོ་ མེད་མཁན་ Tar རྩེ་ ཏྲོན་ཤད་ བྱས་རྒྱུད་ མཁན་ ས་གནས་ རྩེ་ རོ་ cable རྩེ་ ལོ་ ས་འོག་ ལོ་ ཚུག་ཤད་ དང་ གཞན་ ས་གནས་ ན་ ད་ཤིང་ ལེདམ་ བྱས་ tar རྩེ་ བཞག་ཤད་ ཐག་ཅད་ ལོན་ ཡོད། Tar རྩེ་ ལོ་ དཔལ་ཁར་ དང་ ག་ཤིང་ མེད་པོ་ བྱས་ བཞག་མ་ ཐོབ་ཤད་ ཡང་ གསུང་ ཡོད། M.G Marg དང་ Lall Bazaar ལས་ ད་རིང་ ལས་ འགོ་བཙུག་ མཁན་ འཆར་གཞི་ ད་ལས་ གེས་ རང་ལྷར་ གཞུང་ལམ་ མཉམ་ཆེ་ ཐམས་ཅད་ མི་སར་ ས་གནས་ རྩེ་ ན་ བྱས་སྦྱང་ ཐོན་ཤད་ སྤང།

PAKYONG CONNECT EARTH

དཔོ་སྐྱོང་ རྩེད་ཁའི་ བསམ་སིང་ ན་ connect earth contribution centre རོན་བཞིན་ ལུལ་ཁའི་ ཡོག་མི་ རྩེ་ གི་ མེན་ཆ་ ཚུག་ཀོ་ ཡིན། ལས་རིམ་ འདི་ ལས་ མི་སར་ རྩེ་ གི་ སྤྱི་ཚྭ་ ཁ་འབབ་ རྟོ་རམ་ ལས་ ས་སྟོང་ རྩེད་ལོ་ ལ་ཁུད་ རྒྱབ་རྩེད་པོ་ བཟོ་ཤད་ ཐབས་ལམ་ ཡོད། གཙོ་སྤྱི་ རྫོན་པོ་ སྐྱ་ཞབས་ Prem Singh ཏྲ་དམག་ གེས་ ཡུད་རིང་ ལ་ཁུད་ ལོ་ བེམས་ཤུར་ བྱས་ཤད་ དང་ ས་སྟོང་ ལོ་ ལ་ཁུད་ རྒྱབ་རྩེད་པོ་ བཟོ་ཤད་ ན་ ཉོག་ཤད་ ཉེད་ལམ་ རོན་བཞིན་ ཐབས་ཅད་ འདི་ རྫོན་ལས་ རང་བོ་ ཡིན། རྩེད་ཁའི་ འདིའི་ ཡར་རྒྱས་ ལས་ལག་ རོན་བཞིན་ རྩེད་དཔོན་ འདོམ་ ཡར་རྒྱས་ ལས་ལག་ གེས་ ཐབས་ལམ་ འདི་ ལོ་ རྫོན་ལས་ བྱིག་བཞིན་ ཡོད་ ད་རིང་ འབྲས་ལྗོངས་ གྱི་ millet – man གི་ མིང་ཅན་ Tshering Gyatso Lepcha གི་ རྟོ་རམ་ ན་ མོན་ཅོད་ ཚུག་ཤད་ གཞིག་ བྱས་པོ་ ཡིན། ད་རིང་ གི་ གཞིག་ རང་ལྷར་ བསམ་སིང་ ན་ Barinyard མོན་ཅོད་ foxtail མོན་ཅོད་ དང་ རྩེད་རྩེད་ མོན་ཅོ་ ད་གོམ་ མན་འདྲ་བོ་ མོན་ཅོ་ རིག་ཚུ་ ཚུག་ཀོ་ སྤང། རྩེད་དཔོན་ འདོམ་ Rabin Prasad Sewa གི་ ཐབས་ལམ་ འདི་ ན་ ཀལ་མཁན་ རྟོ་རམ་ དང་ ལམ་ཏྲོན་ གི་ རོན་ལས་ སྐྱ་ཞབས་ ལེབ་ཅ་ ལོ་ ཐུར་རྩེ་ཆེ་ འབྲན་བཞིན་ ཐབས་ཅད་ འདི་ ཁོང་ལས་ ཐོབ་མཁན་ བེམས་ཤུར་ ན་ བཞག་ཀོ་ གསུང་བོ་ ཡིན། ཁོང་ གི་ ལུལ་ འདི་ ཉོན་ཀོང་ ལོ་ཐོག་ རིག་གི་ རོན་ལས་ ས་ཉོན་ དདུལ་ཁང་ ན་ ཡར་རྒྱས་ བྱས་ཤད་ འཆར་གཞི་ ཡོད་པོ་ གཏམ་ ཡང་ གསུང་བོ་ ཡིན།

FOUNDATION DAY

གསོ་རིང་ རྩེད་ཁའི་ ཐར་ལུ་ ན་ ཡོད་མཁན་ Srijunga Yakthung Sakthim Phajumbolo གི་ ཐེང་ ༤༥ པོ་ ཚུམ་པོདི་ ཉེན་ གི་ དུས་སྐབས་ ན་ བཞག་མཁན་ ཉེན་ ༩ གི་ ལས་རིམ་ ད་རིང་ ལས་ འགོ་བཙུག་ ཀོ་ ཡིན། ཨོ་ཁར་ གི་ རིག་གཞུང་ ལས་ཁུངས་ ན་ བཞག་མཁན་ ལས་རིམ་ གི་ ཉེན་ དང་པོ་ ན་ ལུལ་ཁའི་ སྤང་བྱས་ འབྲས་མི་ དང་ ལས་རིམ་ ཚྭ་པའི་ Chief Patron Aditya Golay རྫོན་པོ་ Bhim Hang Subba མཉམ་ཆེ་ གཞན་ གི་ ཐུར་འགན་ ལོན་པོ་ ཡིན། ལས་རིམ་ གི་ འཛིན་ཏྲོན་ ཞིན་ རྫོབ་ཐུག་ དང་ གཞན་པོ་ རྩེ་ ལོ་ ཁ་འབབ་ རྩེ་ Limboo མི་རྟོ་ ལས་ ག་ལུད་ བྱས་ རྒྱང་བཞིན་ ཡོད་པོ་ ལུང་བསྟོན་ ལུམ་ Mundum ལུང་ལྷར་ རིག་གཞུང་ རྒྱན་ཅོད་ གེམ་ མགོ་ཡིག་ རྩེ་ རྫོང་ལས་ ཤེས་ཡོན་ ལས་རིམ་ བཞག་ཀོ་ སྤང།

ཐེང་ ༡༤ བོ་ འབྲས་ལྗོངས་ མངའ་སྡེ་ badminton championship 2024 ན་ མངའ་སྡེ་ གི་ ༥ ཐམ་བ་ རྫོང་ཁའི་ ༢༥༠ ལས་ རྒྱ་བོ་ རྩེད་མི་ ལུ་ གི་
 རྒྱ་ལེན་ ཡོད། ལས་རིམ་ གི་ རྒྱ་ན་དོན་ གཙོ་བོ་ རྫོན་པོ་ བསམ་རྒྱལ་ ལེབ་ཅ་ གི་ དཔལ་འབྱོར་ རྩེད་ཐང་ མཐའ་སྐྱོར་ གི་ Indoor Badminton Hall ན་
 ད་རིང་ ལས་ བདོན་སྤྱར་ འདི་ འགོ་བཙུག་ ཀོ་ ཐག་བཅད་ གནང་བོ་ ཨིན། ཉིན་ ༤ གི་ བདོན་སྤྱར་ འདི་ འབྲས་ལྗོངས་ badminton རྫོང་པོ་ གི་ བཞག་གོ་
 ཨིན། རྫོན་པོ་ རྒྱ་ཞབས་ ལེབ་ཅ་ གི་ མངའ་སྡེ་ གས་ བདོན་སྤྱར་ ན་ རྒྱ་ལེན་ མཁན་ རྩེད་མི་ ཐམས་ཅད་ ལོ་ དགའ་ལྷ་ མཉམ་ཆེ་ རྣམས་ལས་ གནང་བཞིན་
 མ་འོང་པའི་ ཉིན་ ན་ ཐོ་ལྷ་ གོ་གནས་ ན་ རྒྱེབ་ཤད་ དོན་ལས་ བདོན་སྤྱར་ འདི་ ལོ་ ལེད་མ་བྱས་ རྒྱབ་སྐྱོར་ ལོན་ཤད་ རྒྱ་བ་ འབྲན་བོ་ ཨིན། པམ་ཤད་ དང་
 གེལ་ཤད་ ལཔ་ཤད་ འདི་ བདོན་སྤྱར་ གི་ ཁག་ གཉིས་ ཨིན་རུང་ ལྷ་མཐུད་ ཉི་ རྫོན་བྱས་ བྱས་ཤད་ འདི་ ཐམས་ཅད་ ལས་ རྒྱལ་ཆེན་ གཏམ་ ཨིན་ ལཔ་
 གཞུང་བཞིན་ ཁོང་ གི་ མངའ་སྡེ་ གི་ མིང་ རྒྱལ་ཁབ་ དང་ རྒྱལ་ཡོང་ གས་ ན་ གེལ་ཤད་ རང་ གི་ རྒྱང་དར་ ལོ་ ལྷ་མཐུད་ ཉི་ བཞག་ཤད་ དང་ བདོན་སྤྱར་
 འདི་ ན་ ལེད་མ་བྱས་ རྩེད་མ་ འཛིན་ཏོན་ ལུལ་ཤད་ དང་ རྩེད་མི་ ལུ་ ལོ་ བཅས་ཤུར་ ལུལ་བོ་ ཨིན། རྒྱ་ཞབས་ ལེབ་ཅ་ གི་ འཕྱོད་བསྐྱེན་ དང་ ན་ཆ་ མེད་པོ་
 རྒྱ་ཤད་ དོན་ལས་ ཉིན་ ༧་ཏང་ ན་ འཕྱོད་བསྐྱེན་ དང་ རྩེད་མ་ རྒྱག་ཤད་ གཡོག་ལུ་ ན་ ཐུར་ཤུར་ གནང་ཤད་ རྒྱ་བ་ འབྲན་བོ་ ཨིན། རྫོང་པའི་ གཙོ་འཛིན་
 Jakob Khaling གི་ གཞུང་བོ་ ཨིན་ - བདོན་སྤྱར་ འདི་ མངའ་སྡེ་ གི་ མན་འདྲ་བོ་ ཞ་ག་ གི་ རྩེད་མི་ ལུ་ ལོ་ རྫོན་པོ་ གོ་སྐབས་ ལུལ་མཁན་ རྩེད་མ་
 ལས་རིམ་ ཨིན། བདོན་སྤྱར་ འདི་ ལྷ་བོ་ འདི་ གི་ ཆོས་ ༢༥ ན་ རྫོང་ཤད་ སྤང།